

金粟山房詩鈔

二集



830912

薰風復旦所存蓋罕填典索邱不可得聞聞之能文者

曰有韻之文權與乎詩無韻之文儀式乎書誠然哉始

稱天籟嗣美代工故或貴音節秩然錚鎗鏗聒或取樸

訥雄奇敞罔恣肆雖好異尙奇各有私淑而窮微測妙

其歸一揆迨夫馳騫靡已質文遷變非絕殊尤難驚耳

目於是家羅壇坵人嚴繩勒專工有劣博涉尠優或謂

才智未殊法律綦密徒以古質今妍遂分殿取援證一

隅似誠通論典核詳贍實匪定評夫文章之妙乃參橐

金粟山房序

卷首

一

籥前賢備論可得而簡至於博觀而約取溯中而彪外

卽之則懷珍秋實望之則浮豔春華騏驥伏櫪自異驚

駘蛟龍潛淵奚倫鼉鼉譬如方折儲玉園折藏珠何隱

不彰有微必著不察梓材徒議丹牖枉尋直尺不亦遠

乎吾友張君鑄盒射策甲科來宰敝邑撫茲黔庶膏以

甘霖挈積綱而畢振栝眾善而咸舉密邇比鄰僉漸河

潤麥稔兩歧中牟三異衡於疇昔未讓當仁威則垂管

東陵惠則酌饋西山而忘年投分垂禮童穉畦畛不生

素交訂於傾蓋蘂酒相召同心叶於斷金降心相從無

行不與職修人治居當暇日因出舊製古近體詩若干  
首駢體文若干首屬爲斟詮異哉丹青炳煥縑素之資  
不掩雕鏤比櫛結綠之質無磷女牀鸞鳥丹穴鳳凰毛  
羽外輝美德內韞所謂元元本本殫見洽聞紆餘爲妍  
卓犖爲傑烏呼覓已引商刻羽妃青儷白縱橫奔放雖  
容爾雅是以巧心潛發而拙目無蚩清壯自標而溫麗  
呈態信乎志毅莊騷咀華淵雲蘭芷傳其幽芳彝鼎昭  
其典重豈惟藏諸名山闡揚微言亦且用之邦國維持  
風化者矣

紀澤

學慮棄井智慚挈餅粗解歌用娛肥

金粟山房序

卷首

二

遜固知三都鴻裁郊居雅製自當膾炙當年流傳千古  
奚假士安之頌無待王筠之賞然而拂拭龍泉想斷割  
之利游觀雖渙悅藻繪之文有情靡已書以揄揚樂飲  
醕之醉心寫執鞭之忻慕庶幾畢貢淺識質諸知音云  
爾湘鄉會紀澤撰

題詞

建安 鄭天爵 修樓

峯巒百粵秀天下中有曲江才且廉萬里笑看滄海日  
一官清似水晶鹽照人明月移三戶賜我新詩抵百緜  
卻為建州留故事黃華山影住蘇髯

敢道淵明歸去來疎花真合傍籬栽老如鴛足轉多病  
癡到虎頭猶未回半壁風生驚草木幾人年少奮雲雷  
留侯磊落方三十我為蒼生勸一杯

侯官林直 子魚

金粟山房序

卷首

一

幾年霖雨遍蒼生意氣兼人迥不平兕虎爭傳山縣治  
懸魚猶說使君清 先生歷官多有異政 神仙句漏原非幻烽火湘  
南且漫驚 先生將改官湖南各大憲以先生能奏請留閩 知有匡時真濟略定

看朝夕報功成

湖海難壘錦繡胸揮將健筆欲摩空龍頭望重文章貴  
馬上詩成願盼雄 先生詩才敏捷援筆立就 得到瑯環書盡讀無分  
賢聖酒初中感君一序千秋託 先生嘗序拙集 庾謝都應拜下

風

侯官 林廉叔

詞壇酒壘興非賒待種湘中滿縣花君到海濱修好月  
我從天半仰朱霞萱闈愛日春常永鄴架藏書氣自華  
咳唾幸承珠玉賜紅蘭香裡望天涯

君將之楚  
殊切去思

武進馮晟少山

露冕神君綵仗齊隨車甘雨慰烝黎詩吟硯北邀紅友  
蘭采陔南賀紫泥邊地長城資臥虎公堂明鏡比燃犀  
蛾眉愧我非時尚擬種蘭成菜一畦

海昌

俞鳳翰石年

捧讀諸作如獲珠船入錦肆鬥角鉤心巧不入纖裁雲

金粟山房序

卷首

二

剪霞麗而有則至其清辭俊語真有晴雪滿竹隔溪漁  
舟窈窕深谷時見美人之意聊綴鐵句以志欽服

子野歌詞句句新潭州小住亦前因三蕉酒力今勝否  
乘興來嘗石凍春

題詞

贈張子蓮同年並題其讀書松桂林圖

侯官 沈葆楨 幼丹

君不見武侯高臥南陽中抱膝長吟何落落又不見范  
公初上岳陽樓便與天下同憂樂讀書濟世儒者心肯  
共巢許爭邱壑金馬玉堂不足云漱石枕流亦偶託張  
子前身本仙吏弱冠裁花講吏治示我讀書松桂圖我  
見畫圖識君志當年嘯詠空山聞早與經生殊位置松  
柏蒼蒼桂子黃眼底胸中皆生意古稱養人如養樹順  
金粟山房序 卷首 三

木之天安其素又聞林木似名節惟在主者勤調護斯  
人出係蒼生福北山敢屈棟梁木昔曾讀書兼讀律玉  
鏡高懸燭幽屋土元奚啻百里才會看騰驥展驥足  
朝廷方向讀書人大器如君

帝所屬功成長揖歸衡宇松桂迎君作歡舞碧榕丹荔  
俱有情永護棠陰垂萬古

前題

侯官 陳 澹 心 泉

月影當頭際濤聲滿耳中幾生清福在長與古人同政  
術思恭茂才華羨賈終遂初今漫賦霖雨贊元功

前題

桐城張用禧

早歲已聞道出山思舊泉曾逢赤松子共證木樨禪竹  
素知同嗜金丹祝大年吾家推博物福地吏如仙

前題

侯官林昌彝

香溪

先生自愛讀書樂况有山林供飽看廿四年存高隱迹  
十萬言結古人歡由來仙界多才子何事浮名作宰官  
寄語故園舊松桂好留蒼翠待盤桓

前題

荔浦姚森

樹人

科頭終日對羣書勘破紅塵不可居叢桂香濃松影重

金粟山房序

卷首

四

好山青處一蘧廬

松桂留人廿四年在山泉作出山泉源清豈慮流翻濁  
待聽循聲到處傳

題詞

酬張少伯大令並題其讀書松桂林圖

上海劉

樞鴻甫

何書未見指連雲充棟琳瑯籤軸天與才人真福地位  
置林巒小築萬壑吟松一山馨桂絕壁懸飛瀑乾坤放  
眼得來幾許清淑只道身到蓬萊論思清祕不負便  
便腹飛鳥今來山水縣休厭紅塵吏俗霄漢風雲仙人  
粟雨布地蒼生福山靈還待白頭歸遂初服

調寄壺中天

金粟山房序

卷首

五

束髮讀書望洋莫適欲窺其源先循其蹟雅慕風人  
蒼露白才拙境艱莫探幽蹟時鳥候蟲歲華屢易謏  
自慙居諸自惜欲乞明師示以繩尺騷雅靈芬庶幾可  
覓琅嬛忽開喜軸祕籍景止徒深山青水碧翹首吟壇  
先陳鄙識鑄菴居士張培仁

卷一

古今體詩九十四首

卷二

古今體詩一百二十二首

金粟山房序 卷首

卷三

古今體詩一百四十九首

卷四

古今體詩一百二十六首

卷五

古今體詩一百三十三首

卷六

古今體詩一百五十九首

金粟山房詩鈔二集卷一

賀縣 張培仁 少伯

詠史詩

秦皇并六合。王氣壯天府。銷兵來咸陽。金人一何巨。六國能養士。倒戈莫能禦。翩翩子房公。感憤爲君父。一聲博浪椎。祖龍慄其股。擊之雖不中。家國怨稍吐。逢時忽從龍。不啻笑履虎。屈伸變化間。世緣豈得圉。長揖韓彭儔。拂袖游元圃。黃石何處求。白雲自終古。

其二

金粟山房詩鈔

卷一

一

武帝擅雄畧。英姿多忌猜。窮兵欲開邊。殺戮良堪哀。兼喜用酷吏。寰宇生禍災。因之脂膏竭。算緡搜民財。宏羊總度支。千古言利魁。求仙興土木。更起通天臺。相如與方朔。本是隆棟材。經濟鬱難逞。游戲叨追陪。鋪張復揚厲。勳業亦壯哉。譬如盛暑酷。漸見秋風來。

其三

昭君良家子。淑質佩蘭蕙。玉顏春花明。長眉遠山翠。遇合本在天。焉用托圖繪。對鏡每自憐。一笑迷下蔡。畫工操妍媸。妾心自無愧。畢竟見君王。名花異凡卉。一曲琵琶

琵琶歌宛轉聊自慰。但使漢廷安。和親亦何害。雖殊蘇屬國。較勝李都尉。射虎良足豪。牧羊亦無奈。

其四

漢廷崔司徒。入錢踞要津。其子覲然笑。吃吃難具陳。中郎遭患難。躁進輕此身。勞者自振羽。逸者自潛鱗。物各有所好。時各有所乘。超然諸葛公。遺世非隱淪。嫖母旣衣錦。西施宜負薪。本非激而逃。隨時爲屈伸。當其六出師。應念廬中春。抱膝自優游。鞠躬多苦辛。

其五

金粟山房詩鈔

卷一

二

六朝尙清談。何晏開其先。季倫誇富貴。七尺珊瑚盤。望塵學羅拜。干謁思乞憐。秋荷作高蓋。孰飲非狂泉。浮雲與倦鳥。儔比陶公賢。故園茂松菊。幸有桑麻田。浩歌歸去來。拂袖何飄然。鑿空記一首。招隱詩百篇。紅塵不能染。十丈開青蓮。置身羲皇上。放眼晉魏前。

寄郭南屏丈 名效儀甘肅。湟中人。以西域軍功。

選授粵西潯州府經歷。志行敦篤。古君子也。今年

以所撰小傳索詩。自叙行軍西域。記所值奇聞詭

狀。足補夷堅諾臯之所未及。其中招降戰撫情景。

歷歷如繪、並自述少年好道、擔簦裹糧、徧覽終南、  
紫栢名勝之區、恍與赤松桂父相揖讓、生平處困、  
而亨、歷危而安、莊襟老帶、矢以性情、水月松風、衍  
其高逸、仙吏耶、醅儒耶、吾烏能測之、

人生何處非夢中、大覺只有空王空、神仙入世偶游戲、  
封侯選佛將毋同、先生平生抱仙骨、投筆從戎興飛越、  
紙寫羊皮布陣圖、墨磨龍盾討羗羯、艱難百戰功初成、  
終軍壯志酬請纒、天山雪飛劍光耀、玉門花好春風生、  
一官吏隱離塵土、囊內新添種花譜、回首龍沙一笑中、

金粟山房詩鈔

卷一

三

清涼仙夢游元圃、少年好道尋終南、商量佳處留茅菴、  
曾否飛觴邀羽客、朱顏綠髮天漿酣、迄今此念猶然矢、  
辟穀思從赤松子、塵緣小駐紫鸞車、仙筆還題白雲史、  
我道求仙是偶然、歲星游戲漢廷邊、一行飛落雲中鳥、  
十丈開成火內蓮、只我浪遊豈得已、黃庭默誦夢魂裏、  
岳陽樓上一登臨、鶴背清風渺雲水、揭來聊作宦海游、  
攜琴橐劍無其儔、折腰低首且由命、因緣遇合思遨遊、  
先生之境一何善、茗椀香爐經一卷、閒來采藥寶丹田、  
偶爾拈花憑慧眼、官閒如鶴俸有餘、蕭齋之內清且虛、

禪機何必通青鳥。妙法應須悟玉蟬。

也月

自題讀書松桂林圖

何姚莊孝廉寫贈

幽居何所事。洗耳聽秋泉。相約蒼髯叟。來參金粟禪。藏書三萬卷。尙友四千年。至樂誰相識。惟應脈望仙。

春草四首

漸看濃綠畫初成。一帶裙腰踏更生。紫陌飄零惹離緒。紅闌遊戲鬥虛名。不求老圃栽培力。自領東皇雨露情。羨煞韶華千萬頃。空濛晴翠媚郵程。

踪跡年來何處尋。笑看袍影酒痕侵。迷離慣悞游春日。

金粟山房詩鈔

卷一

四

甘苦還存濟世心。好雨過時蒼靄潤。幽人栽處白雲深。踏青記取纖纖影。幾度香闌理繡鍼。

水村山郭自西東。襯出桃花特地紅。點綴無心宜畫裏。搜羅有日到囊中。瑤台永駐三春景。丹鼎還成九轉功。莫道離離無用處。春華秋實亦相同。

彷彿山光接水光。幾層空翠落漁莊。鷓鴣啼處剛如繡。蝴蝶飛來恰有香。曾入三閭徵異種。也隨四皓到仙鄉。東風儻有吹噓力。會向天工奏綠章。

贈聶生廷銓

毫端有奇氣。風骨自高騫。偶以文章著。從知道義敦。才  
應貢廊廟。學可見根源。海上相逢處。欣聆玉屑言。

其二

霜蹄雖暫蹶。慎勿動吁嗟。但有雕龍技。宜登貫月槎。期  
君天際鶴。贈我筆端花。何幸風塵裏。飛來五色霞。  
蒙以楷法

贈見

山陰陳烈女詩

太邱世澤垂詩禮。鬱鬱女貞拔地起。篤生烈女勵世俗。  
史成他年待鐫紀。烈女讀書明大義。白璧無瑕差可擬。

金粟山房詩鈔

卷一

五

父母之命媒妁言。許字會稽張氏子。無何所天病且死。  
女也聞之淚瀾瀾。天荒地老精衛心。波瀾不起古井水。  
憶當擇吉訂姻時。金鑲一雙照窗扉。郎今忽赴玉樓召。  
唯有金鑲猶在耳。九泉誓願相追隨。揮淚長臨別怙恃。  
默然掩泣吞一鑲。入室長眠卸簪珥。翁姑痛哭父母悲。  
正氣堂堂能有幾。嗟哉烈女一女子。大義已從天性始。  
捐軀明志無別懷。雖未同牢名分在。精金百鍊有奇光。  
直木千尋異凡卉。人生豈無節義心。一念游移每遷徙。  
身世鴻毛與泰山。輕重相去惟尺咫。綱常名教藉維持。

足令頽波振千載。試看貞石護雲霞。定有清風起蘭芷。  
題劉壽甫游仙詩後

樂振雲璈。香飄花雨。一卷游仙。名言揮塵。神劍忽鳴。儀鸞欲舞。我愛劉君。篤志於古。游戲三山。命儔嘯侶。浩浩天風。騎鯨跨虎。璇臺瑤室。高峙天宇。左揖赤松。右招桂父。新宮之銘。雲篆自鉅。君寓其言。我知其緒。驥足思遲。鷹翻思舉。我但匿笑。含意欲吐。不見嫦娥。徘徊倚樹。碧海青天。寂寥如許。又有仙曹。跡拘官府。手較錙銖。耳煩雀鼠。人生本靜。擾擾何補。糟可成臺。桂亦釀醕。芥蒂儻銷。隨處樂土。蔗既能甘。茶亦非苦。

金粟山房詩鈔

卷一

六

答家莘田見寄之作

疏狂敢說是詩仙。來詩有詩仙不耐玉樓寒之句湖海飄零亦自憐。偶向雷門持布鼓。忽聽古調響冰絃。酸鹹世味雙蓬鬢。笑傲名場一酒顛。但使閒居有真趣。不須阿壁問青天。

楊雪菜方伯柳港歸漁圖

春風乍到三山麓。楊柳千條萬條綠。偶因歸計狎漁樵。占得人間清淨福。釣鼈會把珊瑚竿。巨鼎龍文扛百斛。獨具爐錘金自精。能參妙訣丹應熟。會看劍氣燭重霄。

更使珠光醒塵目。回思出岫作霖時。海內清聲隆岳嶽。  
栽培有術春融融。涵泳無涯魚育育。漢栢唐松仰大材。  
澧蘭沅芷留清馥。不妨餘事作詩人。

北闕抽簪遂初服。

蒙以大集見貽

試來柳下一振襟。海鶴寥空

謝羈束。鷗鷺忘機託比鄰。筍笑魚肥酒新漉。御瞻眉宇  
見精神。吉甫作頌清且穆。海天一笛唱漁歌。照耀扶桑  
上紅旭。原知公夙抱經綸。進退超然出塵俗。進非希榮  
退非激。自有祥風起鸞伏。歌謠且託白香山。憂樂何如  
蘇玉局。

金粟山房詩鈔

卷一

七

謝符雪樵送荔枝

半月何曾接笑談。贈來仙果訝紅酣。一言借問東坡老  
宦味如何此味甘。

定有歸心託芷苳。鳧飛重看迓旌幢。他年繡閣鳴琴侶

玉燕釵頭綴一雙。

雪樵擬歸里挈眷重作出山之雲

觀文丞相玉帶生硯聯句五排三十韻同李香萃

家瑞作

正氣存天地。奚徒翰墨留。摩挲餘一硯。子蓮 珍惜到千

秋。玉帶環腰瘦。香萃

金星鍊骨道。題名榮寶社。子蓮 賦

質產端州。溫潤原無匹。香萃 堅貞孰與儔。紫衣風度肅。

子蓮 丹篆識文幽。擬向山門鎖。香萃 會參帷幄籌。羽書

催白雁。子蓮 匣劍舞青虬。心苦猶磨鐵。香萃 軍孤尙振

桴。束身慎圭璧。子蓮 矢志掃貔貅。記以西台貴。香萃 恩

宜信國酬稜。然情性古。子蓮 倏爾彩光浮。塊肉崖山賤。

香萃 微驅寶器伴。不隨朱鳥化。子蓮 忍使碧波投。片瓦

輕銅雀。香萃 高歌醉兕觥。痕餘龍戰血。子蓮 香散墨池

漚。柴市孤忠顯。香萃 廬陵逸事搜。力耕貽石臼。子蓮 書

法配銀鈎。刮火燒難盡。香萃 新詩咏未休。蟾蜍含雨濕。

金粟山房詩鈔 卷一 八

子蓮 鸚鵡活雙眸。夢繞庚申帝。香萃 勳差戶牖侯。壯懷

琴作伴。子蓮 遺物印同收。降表書堪免。香萃 魏科學本

優。險廩凝馥郁。子蓮 苔蘚隱犀彪。雲冷鸞刀割。香萃 文

成虎僕抽。黃冠難晦迹。子蓮 青眼有名流。卽此端方號

香萃 長悲敵愾仇。十人還表塔。子蓮 七客共傾甌。慟哭

來睇髮。香萃 聲名重狀頭。試尋竹如意。子蓮 擊破萬重

愁香萃

上林少穆宮保

甘露潤九腕。叢蘭吐幽馨。長風吹萬里。海鶴振其翎。感

通豈不速。相喻在一誠。巍巍督部公。今世之鳳麟。旌旆所蒞止。鸚化而雉馴。製錦見經緯。補袞輝丹青。利弊悉甘苦。察吏而安民。召杜與范韓。功業歸一人。小憩綠野中。四海仰德星。不圖塵中顏。掘衣拜階庭。

其二

聖主得賢臣。文事必武備。八閩有大儒。敷歷於中外。威望懾卉服。從容整裘帶。公在肅雍豸。公去肆狼狽。要當折其心。先威後勞徠。飲食守先民。華夷自分界。賴有柱石臣。興利卽除害。靜看剝復機。定啟鸞與贖。因之風雨調。占爲地天泰。誠心化蒼赤。元氣調鼎鼐。

金粟山房詩鈔

卷一

九

題陳少香先生鷗汀漁隱圖

黃鶴摩天白鷗話。雨泛宅持竿。舉杯揮塵。把卷高吟。如瞻眉宇。雙劍忽鳴。萬花欲舞。玉潤金聲。鴻軒鳳舉。况有此圖。招隱懷古。兼清豔福。是神仙侶。庭有芝蘭。壇開樽俎。雅望登龍。雄文繡虎。賤子顛愚。敢言縞紵。既合性情。如協祝敵。鳴鶴韻清。釣鼈手鉅。船坐如天。綸理其緒。今作詩翁。昔爲民父。難馴龍性。自耀鳳羽。迴首風塵。勞心公府。齷齪旣除。烟雲斯聚。一曲新詞。賚洲笛譜。安我笠

冀傲彼衰黼。開稱意花種。長春樹。

雜感

擾擾趨人事。悠悠歷數年。豪吟青史外。舊夢白雲邊。自擬催科拙。應慚撫字賢。生涯原有定。畢竟信蒼天。

其二

嗜好何由定。多從習俗來。黃金厄漸漏。黑土瘴難開。豈有還丹術。猶思救世才。囊中元氣好。剝復自輪回。

其三

閭閻多反側。性命迫飢寒。乍起蒼黃局。羣探赤白丸。運籌在何處。滋蔓忽無端。搔首天難問。臨風鼻自酸。

金粟山房詩鈔

卷一

十

其四

救弊終何補。空談屢變更。從來行實政。所貴近人情。明鏡秋毫察。仁風嘉穀生。古來刀筆吏。恣刻竟何成。

其八

虛懷原有益。自信究非真。舞弊須除弊。知人始用人。詩書原作鑑。舟楫自通津。寒霧何時散。熙熙物共春。

其九

憂時民力薄。撫已道心微。且對閒風月。須知真是非。德

才宜善用得失在知機。定鏡知難變。悠哉賦采薇。

其十

水闊流常活。中虛政不偏。還丹應守訣。敦素各安天。氣  
節培斯厚。身家養自全。堂廉如不隔。四海一心堅。

其十一

淡薄存吾性。書城樂未央。翠微雲變化。碧落鳥迴翔。怡  
悅在千古。飛騰任四方。春花與秋月。各自有行藏。

瓊春吟杜十花詩

石花

金粟山房詩鈔

卷一

十一

瓊瓏心自笑。塵寰玉立亭亭望。遠山五色雲生碑。版上  
三枝蓮。秀華峯間散。來丈室。頭應點。補入情天質未頑。  
翹首芙蓉空翠裡。苔封蘚簇勢孱顏。

水花

一篇秋水愛蒙莊。幻出空花野鷺鄉。貝闕鮫宮看富貴。  
方流圓折悟文章。臨流活潑心如見。解佩輕盈眼欲狂。  
雪假精神風假勢。白蓮萬朶在中央。

雪花

一曲陽春奏綠章。琪花瓊樹鬪新妝。珠樓高處人如玉。

銀海光中夢亦香。六出飄時青女笑。三霄看到縞鸞翔。  
瑤池靈藥今堪采。伴侶應騎白鳳凰。

曇花

悟澈禪機色卽空。袈裟色鬪繡裙紅。鷲峰轟轟諸香裡。  
龍女亭亭一笑中。瓔珞龕前瞻寶象。芙蓉城內見驚鴻。  
六如妙偈今猶在。信手拈來萬景融。

燭花

西漆南油照玉墀。金釭列處燦瓊枝。生機莫放飛蛾入。  
慧業先看蠟鳳持。歸到院中餘紫燄。照來席上鬪紅兒。

金粟山房詩鈔

卷

五

九微吐豔佳人醉。香澤初聞見跋時。

鏡花

白白紅紅盡可娛。化工肖物象規模。月中金粟光常滿。  
胸際明珠照不誣。宜笑宜顰形影共。非空非色佛仙呼。  
我憐卿亦卿憐我。好對春光悟有無。

唾花

姊妹靈心笑語通。輕盈飛燕在深宮。口中脂散紅絨在。  
袖底香留采線工。一樣文章羞拾慧。九天珠玉喜隨風。  
臙脂點處分明記。潤入毫端自不同。

淚花

梨花帶雨隔簾窺。灑入紅綃復又垂。解語有時能破涕。  
傷春何日不顰眉。落從敲室探奇寶。泣罷湘妃繪豔姿。  
三五嬋娟閉深院。舉頭月影又參差。

劍花

不倚崆峒宿霧深。雷聲電影耀霜鐔。光鉞乍起延津渡。  
冷豔能傳草聖心。涵得春星騰虎氣。映來秋水聽龍吟。  
飛仙似覺嬌無力。袖底芙蓉勢莫禁。

筆花

金粟山房詩鈔

卷一

三

書田擢秀擅芬芳。夕秀朝華樂未央。寫出黃麻甘雨潤。  
開從白雪古梅香。無窮豔奪金銀管。頃刻春生鐵石腸。  
秋水芙蓉去雕飾。彩毫應許借江郎。

王子符大令課子圖

清談揮塵重瑯邪。家近蓬萊興自賒。傲骨峻嶒歷冰雪。  
高懷澹蕩憇烟霞。青箱舊學門無鳳。白社新詞筆有花。  
松際清風天際月。斯人不媿玉無瑕。

到處飛鳧不染塵。論傳崇厚說傳仁。三槐久峙寰中望。  
四境常留宇下春。世上恩仇銷芥蒂。庭前蘭玉慰清貧。

分明一片招涼境。恰稱圖中澹蕩人。

題白樂天先生詩集

有抱負而未盡。無罣礙則不窮。詩出華嚴界裡。身居兜率天中。

又

官俸足供揮霍。家姬各有容華。人道仙能飲酒。我知佛亦拈花。

招同人攜酒過聽濤吟社並攬園林之勝卽贈主

人蔣少陶刺史

銘

金粟山房詩鈔

卷一

十四

愛花成癖不待招。况有春色將人撩。世間塵土自辛苦。壺中日月常逍遙。聽濤吟社地清絕。龍鱗松亞鳳尾蕉。主人瀟灑足真賞。欣開三徑延素交。曩昔飛鳧偶游戲。院公山色如相邀。烹鮮味好協鼎鼎。裁花光豔齊蘭苕。害馬之除風自定。燃犀之照霧自消。趙公琴堂靜攜鶴。文翁石室德化鵞。救荒善政次第布。泣感黃髮嬉元髻。理煩治劇織龍錦。出風入雅騰鸞簫。庖丁奏技刃不頓。善刀而藏非無聊。白鷗馴焉懷杜甫。黃鵠舉矣師田饒。拂衣長嘯別父老。留鄧推謝歌盈郊。只餘愷澤在南國。

魚鱗築壘防鼃蛟

少陶收無爲州日會築堤捍水民至今利賴之

用行舍藏境

綽綽樂天知命神超超

春秋佳日愛吟侶一編樂府爭

傳鈔

少陶著晉安樂府皆屬揚忠孝節義之事

書堂小坐澹相對清言徐吐

無塵露瓊瓏千態逞山勢空明一鏡澄堂坳庭際窈窕

吟自就簷前睨睨韻愈嬌東方之覆醉猶射北山之文

應無嘲羊求客到設几榻野菽既陳酌用匏鯁生拂箋

強分韻毋乃醉語同號嘔白雲出岫亦返岫黃綺辭朝

忘在朝談詩說劍吾有癖莫嫌他日門頻敲

贈王子符同年

祐慶

并序

金粟山房詩鈔

卷一

五

昨讀子符詩並聆談議有不能已於言者摹寫廉吏性情故不敢作憤激語深悉閩中縣令之難爲又不得不作感喟語矣

今雨續舊雨聚散俱前因如敦竹柏契自覺情性眞閩中宦况苦擾擾趨風塵乃於風塵中見此獨角麟直言洞要害潔已邁等倫勵品冰檠茹愛民骨肉親體體落寒雪中○有松與筠得失占塞馬逍遙息勞薪○惟餘憂時懷蒿目多苦辛○不獨爲君惜並惜閩嶠民○所至聽輿頌藹藹有陽春○儻能斧柯藉定使風俗敦○圓頭憶松菊袖

手藏經綸。願言結清歡。素交如飲醇。危地公無渡。清心德爲鄰。天懷自浩蕩。人事有屈伸。

次韻答吳伯鏌先生見贈之作

師資仰風雅。親炙敢忘年。冰玉傳當世。

公爲袁蘭邨先生之婿 聞

鐘摹古賢。膝前蘭桂立。腕下色絲妍。吏隱三山際。超然無俗喧。

讀劍南集

謫仙去後東坡去。又見騷壇出大家。憂樂動關天下計。飄零間看蜀中花。華嚴樓閣禪機靜。團扇鬚眉逸興賒。

金粟山房詩鈔

卷一

六

是此奇才隱詩酒。一回吟誦一咨嗟。

哭鶴松圃師

師名年滿洲。人道光壬辰進士。作令吾邑。東甯逆匪竄擾。師登城固守。散私財團練。殺賊無算。會同事之武弁。忽望風先奔。兵卒潰散。師力盡死焉。當事以狀聞得旨。褒卹。余生平知己也。爰揮淚賦詩招忠魂而弔焉。

白山富偉才。文事必武備。惟公出將門。先德徧中外。

先公

世爲將門

鳴琴如治絲烹鮮等調。鼙乍聞五管。聞苞檠肆狼

猥賴公安梓桑從容鎮裘帶未雨已綢繆鼓舞更勞徠  
忽驚小醜來遂犯邑邊界儻有同仇人間閭定無害赤  
心期有濟孤掌亦何奈惟餘正氣歌度以懾聾瞶

憶昔問字初青眼殊憐才玉壺秋自涵黍谷春能圓輪

困逢大匠旭日扶桑開

蔣申甫龍翰臣兩太史  
俱爲公分校所得士

至性篤

忠孝國事心徘徊酒酣聽談笑豪氣從天來  
摩霄資健翮警鶴超塵埃催科如撫字拔士如儲材  
何期霜雪深嚴寒森古梅令威一委蛻長嘯歸蓬萊

下土生蓬蒿俗學艱誦記不知有古今遑復論天地示

金粟山房詩鈔

卷一

七

我以訓辭讀之慚且勵感公殷勤心凡馬厠良驥佩公  
冰雪操小試擬大器我亦墮風塵遽爾學爲吏翹首入  
桂林身遠心自繫瞻山徒號咷飲水益砥礪安得筆如  
椽豐碑峙宏麗生天證慧根

公篤信  
佛教

平賊慰家祭

寄題李香萃舉杯邀月圖

并序

仁者樂山知者樂水清風明月是謝希逸之飲徒

玉醴金樽有王無功之佳趣古人可作申之以辨

香良友不來通之以幽夢謫仙旣去仰企恆多碧

海無邊圓靈又見香萃以卓犖之才驅濛濛之習

王夷甫瓊林玉樹迥出風塵稽叔夜龍章鳳姿  
人眉宇品高調遠地爽氣清北斗橫而天地秋  
西金盛而風露下素娥青女交鬪嬋娟碧蠹  
狂蟬獨耽文史何必玉簫金管並奏兩頭只  
須鐵板銅琶付之一曲蓋不朝海若則滄浪之  
水清夙具慧根則丹穴之人智他日聆音識  
曲按節循聲清平調見賞於沉香亭上宮錦  
袍粲爛於采石磯邊知不以詩城自限酒國  
常羈學以範其才才以際其遇行見奏天上  
之霓裳舞縞鸞以應節飲盤中之沆瀣乘白  
馬以看花矣

金粟山房詩鈔

卷一

七

峨眉聳翠接崑崙明月當頭若可吞安得小紅吹玉笛  
便邀太白倒金樽悟超佛國天龍指笑煞成都犢鼻褌  
我亦辦香曾供奉靜聽仙樂奏雲門

寄懷同年李少樵郡伯

名孟羣時爲粵西潤城守權守桂林首郡

霓裳共詠大羅天快覩飛騰祖逸鞭遠憶巖疆資保障

遙看卿月照雲煙一官笑我同羈旅八座知君尙少年

君年甫二十五歲

應慰故人翹首願姓名早隸御屏邊

百粵潢池偶弄兵早知虞詡可專城文章小試裁花手

壁壘雄開細柳營家學自通循吏傳尊甫紅樵先生宦蜀多惠政現由瀟  
州牧擢守雲南臨安府奇才應致凱歌聲會看指顧櫬棺掃多卜

蒼生慶太平

開路驂騑壯志賒河聲嶽色蔚雲霞

郡伯河南飛州人讀書福

共行兵福杏花苑花聯桂嶺花翠羽頌時天有喜

奉明保

特旨賞戴花翎

黃堂開處士無譁

屢列行間以書生而殺賊

五年離緒歌三

疊越烏還思大樹遮

次龐魯山大令見贈韻卽題其小團瓢草後

春風千里至秋月一輪明摘藻關忠孝論交見性情期

金粟山房詩鈔

卷一

十九

君堅素志篤學比丹成會有循良譽恩從日下生

座王大學士杜文正公輓詩

箕尾精神儼在天河聲嶽色自蒼然南宮玉尺才常選

北面丹書道已傳知我卻慚材似櫟記公還待筆如椽

那堪老淚西河湧

謂封公石樵先生

鶴髮飄蕭植杖前

中朝偉望仰韓歐應有蒼生哭未休披一品衣功不愧

散千園粟澤能周

公薨於賑次

箕裘定可靠平紹飢溺深知

稷契憂料得九原還悵望洗兵何日奠金甌

買燈詞

舉頭日月頌升恆更有璇璣麗玉繩料得今年梅信早  
買燈先買狀元燈

龍銜鳳吐傲梁恩金藉銅芝粲九枝留得青春謝青帝  
燃將紅燭照紅兒

南油西漆豔當前月滿花芳自可憐但願十洲澄寶鏡  
三山卽是大羅天

十萬貔貅肅寶刀崑崙關外陣雲高月光併入紅燈影  
照見將軍錦戰袍

閩中元宵曲

金粟山房詩鈔

卷一

二

魚龍曼衍波泫泫九賓之樂聲震天幻人游戲空際旋  
六街淨掃寒無烟笑語好拍洪崖肩蘋婆之果來幽燕  
海舶相烏凌八埏文繡掠波丹水濺十洲澄鏡帆常懸  
千檣萬檣浮齋滌巍巍朱烏瞻星躔南風北風來往便  
一輪飛上若木顛鯤身靜處鮫妃眠三山縹渺鬢髻妍  
瓊樓玉宇珠貝鮮鸞笙鳳管時喧聞如賈二倍賄屢遷  
更有父老來田邊五風十雨安吾廛千倉萬箱紛填駢  
水耕火種時無偏金莖玉穗兆有年榕城佳氣殊葱芊  
五達六達塵市連工師妙技久自專風斤月斧牛無全

南金大貝彩互纏凡此通闔帶闔前熙熙皞皞猶平平  
攀猴躍鯉忘蹄筌門雞走馬揮長鞭側聞汴都有古賢  
郊祁文采輝金蓮小宋晏客開華筵鼇山對峙光揚燭  
虹橋直貫騰倜佻彤雲斐亶仙乎仙背列豐容與盛鬢  
纏頭笑擲黃金千有客讀易俗慮捐凝神息影手一編  
窮達一致齊陶甄心清何必焚龍涎我則隨運言非淺  
果能六幕銷戈鋌美人曼壽繼澗瀝人與花月俱同圓  
四民守業泯罪愆士貢羔雉俗獻駢雲璫水瑟音相沿  
九層燈疊八照聯魚魷旣朗雁足然黍稷與與瓜綿綿

金粟山房詩鈔

卷一

三

推梨讓棗儂豆邊銀花火樹邀輜輶曷不瀟灑脫拘攣  
縱飲一斗詩百篇樂吾之樂何傷焉

冶春詞

應有才人儷玉人縞鸞搖尾掃紅塵游仙夢穩庚申夜  
修禊文傳癸丑春金碧湖山看福地綺羅士女話良辰  
拈毫擬寫漁洋句風動留犁漾酒鱗

玉山當日記詩盟盛事流傳顧阿瑛花裏十眉環捧硯  
酒邊雙髻坐調笙踏青相喚提鞋伴拾翠還逢撲蝶行  
料得詩仙清福好夜聞簫管曉聞鶯

洗兵何日止戈鋌舞罷吳鈎拂蜀箋杜牧罪言藏篋裏  
沈郎綺語豔花前不妨墨會兼琴會好遣花顛約酒顛  
回首五陵曾躍馬高燒紅燭醉瓊筵

步履尋春客興同魂銷子夜豔歌中月如照我宜浮白  
花欲留人賦比紅入世孰爲希有鳥偷閒猶似可憐蟲  
何年水閣丁簾下消受樽前澹蕩風

和家莘田四選詩

長柄葫蘆問不堪拈花好住自然菴儻教齷齪從風靡  
何似瞿曇竟日談耕硯也應祈戎五結茅似倣伏庚三

金粟山房詩鈔

卷一

三

忘機我欲親鷗鳥靜裡乾坤寄一龕

避喧

止棘營營俗口譏藤床小閣暫相依甌臾能使流丸止  
蓴菜還令達士歸幸我兵廚藏有酒笑他貝錦織無機  
何須看取風旛動兜率天中少是非

避諺

不妨混俗侶屠沽燒盡凡鉛債豈無村酒澆愁聊寄傲  
文書引睡任追呼信天早已胸無芥却病常教臂有莠  
安得人間金似粟頓令寒士總歡愉

避債

碧桃滿樹小溪濱風日清光屬野民且喜閒身如幸草  
不知塵世有勞薪幽花恰似初笄女雙燕同爲寄廬人

料得向禽爲伴侶何須千萬買芳隣

避地

讀施可齋茂才詩文集及隨筆雜著卽題其後用

家辛田贈可齋詩原韻

休嫌科第尚遲遲游戲都緣爲荔支當境升沉原素定  
應時花萼亦朱施書囊博過金樓子世事奇如碧落碑  
料得先生自怡悅一燈相對且吟詩

探得明珠赤水涯鸞台虎觀各名家

詩筆神似劍南考訂之精則似焦氏

乘遊徧偶爾耽花隱

謂集中風懷諸作

成佛何須守木义

兼通禪學

萬卷知君籬校廣一編令我見聞加秋空鷹隼松間石

金粟山房詩鈔

卷一

三

老筆分明抵畫沙

軍中卽事呈閣鶴舫司馬

舫

豪筆從軍信馬蹄戰場攜酒酌偏提偶依丈室參迦葉

同遇普通禪寺

同冒炎威聽鼓鼙求佛欲尋消暑貝鎮心猶有

辟塵犀從戎何幸逢三益談笑行間亢自批

茶熟香清亦可欣山僧應必笑從軍文壇老將同名將

中岳祥雲掃陣雲妙手定看迎刃解深謀何慮治絲棼

修期草檄功如就蔗境遙知定屬君

鶴舫爲嘉慶癸酉名解元河南人故

詩中次聯及之

弔陳貞甫騎尉

逢亨

鳴琴小邑曾攜手

辛亥冬同  
事屏南

回首前塵忽兩年記把一

尊官道時遙知百戰陣雲邊白虹氣湧偏裨志朱鳥魂  
歸兜率天總弔孤兒難負骨國殤遺恨記新阡

倚樓二首和符雲樵天令

憂時淚向筆端收放眼如登百尺樓无妄那堪書咄咄  
有容難得度休休不妨枳棘曾棲鳳如此烽煙任帶牛  
蔓既難圖厄易漏旁觀常替局中愁

鶯花非復永和年過眼峰巒欲化烟倚竹孰憐攏袖女

金粟山房詩鈔

卷一

三

種花翻用賣琴錢登場偶試談天技入世應師忍辱仙  
剩有詩名在人口西江爭識孝廉船

題劉香雪廣文所撰地瓜譜後

并序

曩讀南方草木狀云甘藷

卽地瓜

之類葉如芋實如

拳有大如甌者生朱崖海中人不要耕稼惟種甘

藷秋熟蒸曬切如米儲以充飢名藷糧海中之人

壽百餘歲緣食甘藷故耳又甘藷疏云有十二勝

收入多一也色黃味甘種中篋絕二也益人與山

藥同功三也徧地得生剪莖作種今歲一莖次年

便可種數十畝四也枝葉附地隨節生根風雨不能侵損五也凶歲不能災六也可充遛實七也可釀酒八也乾久收藏屑之可作餅餌勝用錫蜜九也生熟皆可食十也用地少易於灌漑十一也春夏下種初冬收入枝葉極盛草穢不容但須壅土不用鋤耘不妨農工十二也知此物爲日用所必需他日或効職於縣或歸耕於鄉因欲課園丁以藝植並廣爲勸種以補五穀之不足誠救荒之良藥從儉之善計也今讀香雪所撰之譜可謂先得我心至於蒿目時艱則洋烟爲目下第一害民之物誅之不勝誨之不悟財日以窮民日以困同深浩歎矣爰述舊聞並志新詠

百穀爲民本三時覽物情蔬香宜皂帽肉食笑朱纓稼穡聊安分漁樵不近名種分丹實豔色比紫霞橫鶴髮同攜篠簮辰亦抱罌涉園成曉課行藥代春耕雨過憑鶯報風來有雁迎欣看翠蔓繞時護白雲輕好作青精飯還烹錦帶羹未須虞旱澇永可慶豐盈歡樂桃源住幽尋蔣徑行福從無意得酒愛不時傾果腹兒童喜開

心境界清金丹觀的皦甜雪味分明娛老酥如乳嘗新  
馥似橙買山貲不費禦忠計偏精黃赤離離熟春秋續  
續生幸茲天地力穩結鸞鷖盟不礙峯巒峻猶宜澗隰  
平儻令勤播穫何至聽呼庚

銷寒吟社拈韻分詠美人得七律八首

月下美人

霓裳舞罷倚闌干穆穆金波下廣寒愛向中庭行綽約  
每從雲外望團圓碧天乍悟前身是青女休嗟瘦影單  
香霧雲鬟雙照處玉容應拭淚痕乾

金粟山房詩鈔

卷一

一

花下美人

愛他黃鳥語交交花底徵歌不待教鬪掃新粧爭吐豔  
迷藏小立隱垂髻雙身同現臙脂暈一樹猶含荳蔻梢  
報道春光正明媚踏青應把繡鍼拋

馬上美人

彷彿花光劍影兼馳驅有恨上眉尖春雲挽髻奔騰速  
秋水橫腰號令嚴最好金鞭纖手執莫令汗血繡裙黏  
雌雄撲朔渾難辨按轡徐行豔態添

車中美人

過眼驚鴻色愈酣雷聲走處未停騶兩鬢掩映雲猶委  
半面丰姿粉尙醮盤膝坐時花四照回頭顧處鏡雙含  
六街平坦如流水不閉紗窗露寶簪

鏡中美人

一霎粧臺乍啟扇當空現出玉亭亭箇中未必分瑜亮  
此外誰能問尹邢對語欲通情宛轉簪花自惜影瓏璽  
芙蓉佳兆占夫婿好語還從月下聽

舟中美人

恍若凌波解佩環探蓮歌繞碧溪灣春江打槳勞纖手  
秋水開奩照玉顏繡被鄂君歌宛轉藍橋仙子貌妖嬈  
何時同載夷光去泛宅浮家放白鷗

帳下美人

巾幗何曾屬爾曹小星翻並將星高可無豔色同醅酒  
幸有新粧繫寶刀儻戴皂紗原激烈會看紅粉亦勳勞  
英雄兒女憂時淚共灑將軍錦戰袍

村中美人

薦蘿生長托松杉手種梅花草自芟恥向城中效高髻  
且來塵外試春衫賣珠價好情初慰種玉田深境不凡

安得尋芳學劉阮天台親啟洞門緘

東林廉叔

翩翩公子興猶賒覓得幽棲自種花鴻爪痕深投意氣

鶴頭書好護雲霞

繡徑文隸書於鼓山之上

香添紅袖才兼福學繼

青箱棗有華欲乞彩毫題吏隱信天行樂是生涯

壽家辛田明府

家學人寰重吾宗德澤長趨蹌

清祕殿

辛田曾官武英殿校錄

遊戲荔支鄉對酒自懷古耽吟未肯狂鶴南飛一曲腰

笛奏滄浪

金粟山房詩鈔

卷一

三

其二

傲骨健如童吟豪似放翁黃金揮手去白水此心空交  
訂風塵外詩成談笑中通今兼博古長願坐春風

寄題嚴滄浪詩話樓

劍溪之水飛銀濤一氣旋折迎海潮當年嚴叟此間坐  
披襟嘯詠臨江皋古今才判仙鬼佛性靈妙比瑛瓊瑤  
乾坤真氣付此筆矜奇炫博奚非驕工詩非學得天授  
長城不畏偏師挑廬山面目各有在衣冠優孟徒蒼螯  
碧梧翠竹自欣賞春花秋月宜醅醕詩仙已去彩雲裡

使我望古勞心切巧匠祇能付規矩大木畢竟離蓬蒿  
笑問古今幾枝筆吟壇虎視良足豪白韓同時別境界  
李杜對峙同金焦迂儒俗士夢不到譬猶跛驚隨神鼇  
卽之愈近去之遠仙山樓閣何其高甘然後和白受采  
天授之說原不撓拈花妙諦孰能會渡河香象不可招  
劍溪之水自赴海萬古不絕長滔滔

和鍾仲山先生卽事感懷二首

諸將還應念復仇滔滔身世不堪愁南中征戍鴛鴦夢  
北地涼風勅勒秋但使攻心能革面

漳泉一帶土匪聞將就撫

不妨

金粟山房詩鈔

卷一

无

攜手寘遨頭據鞍未遂男兒志款段宜師馬少遊

時子從事

延平軍中二月餘設法催遣官兵相繼進剿延平解圍地方肅清余僅得免愆尤

憂時有客句初成福地猶資慧眼明會出勝兵看虎殪  
好傳奇策卜梟鳴運籌幾度愆絲亂寰海何年得鏡清  
筆底長虹杯底月待君來譜凱歌聲

原作

鍾峻

無端戎馬賦同仇一擔誰肩大地愁徼外風雲空  
作陣雨中禾稼已無秋前籌借著愁青鏡下策量  
沙已白頭不信從來稱福地萬家真作釜魚游

刁斗中宵夢不成  
羽書火急眼爭明  
含風燄重燈初穗  
出匣光寒劍欲鳴  
誰更據鞍雄顧盼  
我猶擊楫感澄清  
何當準擬書生耳  
同聽鏡歌第一聲

金粟山房詩鈔

卷一

三

金粟山房詩鈔二集卷之二

賀縣 張培仁 子蓮

試燈吟社分詠幻想詩

補天

搏土難尋解事人  
弓張弓弛亦艱辛  
滿盈轉笑愚夫拙  
鼓鑄全憑造化仁  
頑石粼粼君不見  
元精耿耿筆無塵  
媧皇妙術終難恃  
恨還須仗大鈞

縮地

遠遊如見畫圖開  
不必春糧亦快哉  
豈但一輪明月共

金粟山房詩鈔

卷二

應看萬里故人來  
袖藏五嶽供遊戲  
烏化雙鳧任往回  
羨煞長房仙術好  
朝真咫尺近蓬來

填海

員嶠方壺未可從  
黃金買不盡芙蓉  
銜來木石徒嗤鳥  
占得樓臺或是龍  
手障空思勞版築  
尾闕不竭總涵容  
古今多少癡心事  
人自辛勤我自慵

移山

嶽轉峰迴指顧生  
愚公夙願一朝成  
飛來忽看嶙峋峙  
鞭處應教次第行  
雲起自能生變幻  
冰消全不費經營

移家我欲追仙島地入蓬壺境自清

療妬

九錫微詞足解頤倉庚食罷自怡怡迴黃轉綠原無定  
固寵爭妍總是癡家室和平鳴有鳳閨房清靜吼無獅  
刀圭檢點神方驗不用雙蛾鬥畫眉

駐顏

歲月堂堂鏡裡過參來妙訣得天和不教菜色生顏面  
常對花容與笑歌銷盡寒閨秋女怨占來豔態夏姬多  
塵寰遊戲三千載顧影何愁兩鬢皤

金粟山房詩鈔

卷二

二

避兵

安心有法自超然應向桃源証夙緣處世莫論身外事  
生機常保洞中天貪邀伴侶原非福跳出干戈卽是仙  
杜老休談亂離日陶公應憶葛懷年

卻病

無營無欲保吾真此卽還丹勝飲醕地厚培成花富貴  
天高養出月精神龍吟虎嘯三田寶川媚山輝萬古春  
綠髮朱顏容笑傲儘堪遊戲脫紅塵

點金

何必披沙上翠崖春冰搏出仗靈媧裝成華屋嬌能住  
躍出洪爐事可諧致富有權方是貴養兵無術此爲佳  
何年點盡山中石徧慰人間寒士懷

種玉

和風暖日麗藍田蒸出氤氲五色煙珠露養成無垢地  
琪花開入有情天呼龍耕處疑栽藥跨鳳飛時宛遇仙  
白璧聘來人似玉雙修福慧是奇緣

壽夏子儀丈

會啟瓊林報捷筵

長公子去春捷禮闈

傳家况有筆如椽金仙座

金粟山房詩鈔

卷二

三

上金樽滿玉筍班中玉樹賢龍性馴時安素位鶴翎放  
處喜青天中和節近生申日養到和平福自綿

又見蟠桃放海濱弧南星煥豔陽辰琴牀茶臼安排好  
候鳥時花次第新風月靜娛詩酒興煙霞供養偃佺身

先生工於繪事

信天兩字安心法定有祥雲擁吉人

春閨詞

一鉤春月影纖纖流照中庭入畫簾準擬踏青呼姊妹  
分明新樣繡鞋尖

出風初透綠窗紗姹紫妍紅麗物華一段春愁銷不去

海棠花發玉人家

春遊詞

花樹壺觴被袂年清游恰喜豔陽天當墟儻有文君在  
醉卧佳人錦瑟邊

漸裙門草豔情多春水鱗鱗漾綠波紫筍紅櫻入詩料  
雙鬟先唱竹枝歌

菜花四首

十里春陰雨乍霑青黃宜畫上霜縑英雄心計工韜晦  
寒土生涯共米鹽榮落年光田舍記清腴滋味佛廚添

金粟山房詩鈔

卷二

四

烟苗雨甲誰堪配爲話山邊筍正甜  
連畦如繡望鱗鱗天賜人間萬鎰珍紅雨灑來新氣象  
黃金鑄就好丰神遮完南陌高低徑買得東皇綺麗春  
莫怪高賢思學圃壘鹽原屬讀書人

園丁珍重供溪茷小朵零星照杏袍肯使此身隨佞草  
從來正色異邪蒿幻來仙夢飛蝴蝶悟澈清機響桔槔  
地主恩深勞採摘尋春留與醉村醪

抱甕人來祝嫩陰芳塍細擷抵瓊簪山家自昔知其味  
薄物由來重此心閉戶身閒劉畏操揮鋤心熱管嗤敵

吟詩寄語須嵇古莫認秋花悞散金

哭陳海霞師

當年親拜魯靈光杖履追隨祝壽康青眼開樽瞻北海  
素心倒屣識中郎仁周犴獄存心恕才富韜鈴借箸忙  
柏文敏公在粵東平海盜時師在幕中精心佐理一旦飄然歸兜率臨風灑淚

痛山梁

記曾揮麈坐春風化雨涵濡便不同垂老置身居瑞室  
王子春夏間粵西告警先生居近城外家猶安然無恙賞音回首感焦桐功深讀

律鍼砭切性愛吟詩著述工閩嶠粵山天萬里猶然問

金粟山房詩鈔卷二

五

字夢魂中

白髮看雲喜欲顛即用公句鸞驂偶寄桂林邊堯夫學有安

心法明道人多立雪緣竹杖芒鞋閒似鶴朱顏白髮望

如仙龍蛇厄運原難料手把芙蓉竟上天邵子詩心安身自安

五雲飛到墨華清去年猶得公手書八十高年眼尙明傳食諸

侯老賓客參禪天竺舌先生工詩昭諫才憎命公為秀才時屢

不得志於有司改而讀律作奏賓王帝問名教誨恩深何以報微

官羈旅益悲情

獨秀峰閒居無事偶憶桂林諸山及名勝之地各賦一律

讀此峩峩秀撐天一柱雄烟雲藏寶氣樓閣麗晴空捉  
月光華近游仙警欬通天然開畫本繚繞彩霞紅

五詠堂

光祿文章美論交記五人奇書藏洞府賢守出風塵一

卷新詩就千秋福地春思今復懷古重建說名臣

梁莊  
林中

丞

李園

此日空園閉當年畫閣開花遞歌舞豔簾捲燕鶯猜歲

月銷金粉燕支繡綠苔惟餘喬木在過客重低徊

主人  
李芸

金粟山房詩鈔

卷二

六

甫水部擅聲伎及園林之  
美余總角時猶及見之

香渡樓

對此塵襟洗臨江獨上樓簾開波似鏡窗映月如鉤悟  
澈清虛境奚須汗漫遊窮通何必問檻外去來舟

續五君詠

并序

余筮仕來閩謬以詩文辱長者顧盼爲忘年交不  
揣鄙陋訪顏延年作五君詠以志一時之盛苟未  
通詞翰之投則不敢效箏琶之奏云爾

陳少香

季常事禪悅無已詠瓣香蛾眉任謠詠鶴骨猶堅剛知  
己在蘭闥文禽痛分翔曠懷託游戲君其師蒙莊少香賦

亡悼

劉鴻甫

鴻甫澹岩人勇退服雅量盟心對閉鷗袖手笑巧匠憶  
昨話別時雲霞發高唱臨行以詩卷相示魚當遠道來鶴已寥

天放

夏子儀

鍾山蘊靈秀毓此鸞鶴姿筆開花五色酒釀春一卮福

金粟山房詩鈔 卷二

七

地成小隱妙墨追大癡會看五鳳皇聯翩起瑤墀

符雪樵

西江富文瀾王客英才盛皎皎冰雪懷中有月如鏡君  
襲芙蓉裳世間葫蘆柄妙諦一拈花無心與物競

家莘田

吾宗老謫仙雄辯驚戶牖太華拔地起黃河落天走世  
家富韜鈴憂時屢搔首君為文和公裔孫上游事定不

言功一笑酌春酒

感懷二首次林子魚韻

信天已久欲何之學得安心未算遲  
兩曜升沈原有數  
一身遭際豈無時  
鳳凰翔處能無感  
牛馬呼來不可辭  
羨煞蘇家好兄弟  
謂令弟廉叔  
荆花棣萼繫人思

奇服臨江賦采蓉體兼騷雅  
自雍容興高快寫三條燭  
定後飛來一杵鐘綺歲忽嗟  
荀息馬浮名人好葉公龍  
何年看放青霄鶴雲夢瀟湘  
一盪胸

余將有楚行

蠶豆二十四韻

春色闌南早風光上已三  
餐英曾說蠶煮豆正調蠶櫻  
笋筵初設酸鹹味素諧韶光  
看正麗小酌興猶耽翠筵

金粟山房詩鈔

卷二

八

離離出珍珠顆顆含三眠成繭  
易十遠配羹甘雨後茶  
開簪花前酒折纒羽觴邀客  
泛蠻榼倩童擔入畫葩凝  
紫揮鋤玉種藍培根鴻雁北  
入饌鷓鴣南寶或貓精變  
肴宜蝦菜參藉茲修禊事於  
此集朋簪擬約鞦韆女還  
邀蹴鞠男湔裙逢采伴說餅  
得清談恰恰鶯吭滑醺醺  
蝶夢酣擷從斫鱸手香入探  
桑籃翠釜調仍潔牙籌令  
自探青黃蓋滿甕芍藥醬盈  
甌在圃承仙露持齋供佛  
龕何須蘆葦鮓好伴洞庭柑  
楊擘當歌樂何曾下箸貪  
錫簫吹緩緩粥鼓奏韻韻石  
鈿應添水沙瓶乍啟函更

教參玉版醉聽燕呢喃

楊誠齋蠶豆詩沙瓶新汲西湖水

喜聞潘師相重赴瓊林恭紀四章

海內蒼生說相賢狀元重赴杏林筵綠衣早躡金鰲背  
丹頂新延白鶴年周甲科名 天有喜生申歲月福無  
邊共瞻捧日祥雲麗應有霓裳詠列仙

鯉庭桃李正紛敷

師於乾隆癸丑 廷對第一今咸豐癸丑令嗣星齋侍郎適典禮闈春試

先後同年仰大儒天上

恩綸雲蚬膠壺中仙醴露涵

濡龍頭文采春常麗鳩杖風光靜自娛猶記散材逢大  
匠蓬山遠處悵飛鳧

金粟山房詩鈔

卷二

九

銘鐘勒鼎佐軒義身退猶存啟沃思報 國屢持龍虎

節求才廣育棟梁姿木公金母來人世黃序丹書仰

帝師聞說逍遙客綠野洗兵猶待譜新詩

覓得還丹句漏砂蒲輪穩駕返閭車望尊北斗名賢德

星煥弧南宰相家復政阿衡辭鼎鼐告歸疏受樂烟霞

遙知洛社屏風裡潞國精神晚更加

寄懷李雨人師

曾向蓬山絕頂行驂鸞人到桂花生量才玉尺心常慎  
論古金鏡眼倍明夢憶瓠棧懷 北關笑投簪紱別西

清言歸何處尋真樂經史研窮擁百城

喜晤陳心泉同年

回首 楓宸奏綠章 殿前作賦筆花香乍看一鶴離  
人海應見三鱸集講堂腕下龍騰文彩麗膝前烏哺孝

思長他年迴駕東華路鐘鼎勳華在廟廊

君大考優等  
奉諱歸里掌

陽 教建

贈劉香雪明經

柄輝

衣冠本色一書生詩筆高於百雉城學奉昌黎天北斗  
經傳高密漢西京花邀紅友閒評史墨染青衫夜論兵

金粟山房詩鈔

卷二

十

更喜量才煩玉尺知音應許奏琴聲

欣看驥足試騰驤早說匡廬毓鳳凰硯北新詩花欲笑  
陔南春色日初長一官小試來榕嶠七字高風繼柏梁  
閩中不靖君投効後不辭勞瘁  
上游成倚重焉君素工詩善書 知己情深勞引領鴻毛  
遇順盼翱翔

春筍詩

艷色生桃萼清芬茁豆田嫩嘗燒笋味香憶焙茶天紫  
燕巢初穩紅蝦餌共鮮宴開花九錫時正柳三眠穀雨  
蒸芳圃梅風敞綺筵金樽宜對月玉版試參禪鳳尾成

陰後鶯喉勸酒邊  
籜龍將變化登俎不論錢

題小倉山房全集後

飛騰活虎嘯生龍  
名世文章著述工  
辯論是非存月旦  
消磨歲月恥雷同  
尋花獨享三春福  
採幹偏遺百尺桐  
造物殷勤勞位置  
天心珍重此詩翁

康衢躡足試騰驤  
五色花明一縣香  
紫禁難留人澹蕩  
青天猶任鳳翱翔  
獨開懷抱登文苑  
小試經綸對印床  
畢竟先生清福好  
詩情偏較宦情長

文窗曲几好風清  
插架圖書擁百城  
安得門牆稱弟子  
金粟山房詩鈔

卷二

七

問誰瀟灑似先生  
東方大隱能超俗  
南極仙人自有情  
竹信平安花信豔  
小星羣擁歲星明

飄零杜牧恨生遲  
幸讀流傳一卷詩  
游戲應教天女笑  
聰明不受古人欺  
安心賴有安身法  
入世先存出世思  
脫盡塵寰苦拘束  
是公獨往獨來時

輓盧翰圃師

昆鑿

記曾揮塵坐春風  
幾度垂憐士固窮  
阜帽忽逢青眼客  
黃堂同仰白頭翁  
斧斤儻赦山中櫟  
節奏常調爨下桐  
只有酬知兩行淚  
恐因期許負明公

李月樓二尹殉節詩

殺賊刀墮淚碑兵微援絕事難爲孤軍死守心不移成  
敗不可知何計事權之大小官職之崇卑丞哉丞哉李  
摩雲少年結客短後從軍案頭陰符已無據胸中熱血  
知有 君仙游城外忽吹角篝火狐鳴久潛伏紙鳶消  
息一朝斷狹獠磨牙思擇肉此時君獨領鄉兵竭力抵  
禦守縣城激勵弱卒料簡車朝弓張礮舉責重身輕火  
光紅處聲鏗錦惜哉援兵不能出竟使敵人得虛實否  
則撼山豈能動可令銀銜墜鐵室賊兵來飛黃埃此時

金粟山房詩鈔

卷二

五

大呼臣力竭白虹貫日光崔嵬握拳透爪嚼齒穿齧已  
鍛勁鬪發孤憤自鬱浩氣垂千春魂返庭闈關塞黑移  
孝作忠期報 國歲寒松柏後彫材相士莫拘銅馬式  
銅雀瓦硯歌

羚羊峽石天不緘睛含鸚鵡珍非凡未若建安一片瓦  
篆痕宛肖昆刀劊阿瞞豪氣凌八表高臺俯視漳河小  
對酒當歌霸業開分香賣履柔情嫻無端銅雀忽飛來  
彈指華嚴亦壯哉鳳管鸞笙時隱約雕題繡拱日崔嵬  
銅仙未進金莖沈赤壁圓頭情惘惘袁家新婦亦可憐

翩若驚鴻勞夢想且將土木耗雄心甲帳珠簾深復深  
銷恨樹邊遺鳳鳥助情花下展鸞衾轉眼蕭條疑豕作  
未竟并吞負奇略英雄垂老悲復悲兒女嬉春樂復樂  
泥水譙南憶故居秋冬射獵春讀書儻令一劍老黃卷  
安得三臺集翠裾流水漳河日東瀉團樂如鏡埋荒野  
試墨猶憐鸚鵡才懷人空對鴛鴦瓦

感舊追悼鶴松圃夫子

掘衣猶記識公時一朵慈雲有夢思龔遂勸農民若子  
文翁化蜀吏兼師羔羊勵節真無愧松菊歸心惜太遲  
金粟山房詩鈔 卷二  
萬里燕雲阻消息克承先志望孤兒

讀余小霞丈遺集有感題後

粵山秀寒碧墨采騰孤峰桂水盪明月照此萬古胸筆  
洗秦嶺雪舟泛灑江風崑山嘯飢鳳劍氣生長虹一卷  
靈檀詩博麗兼清雄借此送日月不願驚愚蒙鑑湖待  
鷗鷺石室蟠蛟龍風塵太逼仄竟返蓬萊宮

曩謁峨松軒小友呼北海殷勤觴咏歡蘭雪清言灑三  
筆儼六詩九華蔚七采奴僕可命騷險語盧同駭冰雪  
天人姿凌波珠珮解官卑品自尊遇因志未改家因縱

酒貧花記涉江探詩禪西竺參窮愁東野憺

水碓詩

并序

讀東坡集中博羅香積寺詩序有可  
築碓磨之語卽用其韻

溪流屈曲圍村鄉嫩綠一片森稻芒山泉瀏瀏白噴雪  
野屋仄仄茅蓋黃雲碓無人自舂穀玉田有客時栽秧  
天工人力兩輻輳文心巧使回瀾狂勾聯猿臂飲澗聚  
聯翩雅尾當風涼勾牽機括妙於轉鑿開混沌誰能防  
中央所貫軸用棗外物旣棄籬餘糠天心迴時消息好  
法輪運處旃檀香循環自收杵日力精縈旋變醍醐漿

金粟山房詩鈔

卷二

十四

世間萬事總圓活好將此術開聾盲

送雷午橋出宰霞浦

海山對峙搖青蒼迢迢入桂思故鄉數年離緒說未畢  
君又出宰初束裝酌酒餞君例有句回思在跡情難忘  
道光丙午粵秋試各馳鞦韆來名場三條紅燭競呈藝  
摩空健筆聲琅琅盍簪茅屋縱談論持螯酒肆矜疏狂  
各持文章互相質斷斷前後爭盧王科名得失偶然事  
孫山以外君徬徨我時一第頗顏汗東塗西抹慙穿楊  
雲萍風絮兩無着譬若勞燕分翺翔暮雲春樹渺何許

兩陲轉轂驅星霜班荆闔嶠再相見各驚頷下鬢鬢長  
嗟予潦倒閉門坐催科政拙逋難償蒿日時艱不敢說  
憂時淚每縈肝腸救世安得和緩藥持危徒資急救章  
初恃雞廉有所激忽嗟蚊負誠難當玉川破屋數間耳  
典質既盡猶傾箱 國家征調正未已芟芟亦可儲軍

糧改官楚南仍未去筮中之烏何時颺錙銖必較恍新  
令旨甘將乏愁高堂夜闌歸夢在何處堯出舜洞精廬  
傍迂疏只緣讀書悞竭來快觀君飛黃故人聯翩貢禮  
部有若駿馬逢孫陽金鑿起草墨華豔瓊林賜餅紅綾  
金粟山房詩鈔 卷二 五

香能文自足取高第蓬山未到仍爲郎一麾初試得大  
邑龍泉出匣森光鋸此邦風景我猶記海邊旭日臨扶  
桑蒲鞭不試租稅畢香凝燕寢開琴堂幽谷新茶發紫

筍公庭美蔭垂甘棠作吏如此良不惡奚云根棘棲鳳  
凰嗟予所蒞號難治瘠土久作瘡痕傷

子所蒞閩清屏南二縣俱係通

省著名凋 他人畏途自趨避種桃竟使李代僵

前令某委署閩

清畏貽累之苦力辭不去遂以界予予以職 要知通塞

事不可推諉慨然在之在任一年貽累甚多  
自有命何年汜可歌小康苗畝但使勤播種儉歲或轉  
爲豐穰

虧累未清日思彌補

無諸城邊與君別驥足安穩趨康莊

潘輿遠近雙鶴髮畫眉遙待圖鴛鴦懸魚勵節太矯激  
泉深土厚足稻梁家室和平頌聲起請書樂趣傳瀟湘  
時余於年內  
將赴補楚南

題江左三家集

有學集

知音喜見柳枝娘圖書新開拂水莊豈有才人付關節  
轉憐浪子託空王側身天地悲無主娛老溫柔幸有鄉  
留得瓊瓏紅豆樹堪嗟生世值滄桑

梅村集

金粟山房詩鈔

卷二

共

香山詩筆自情深話到君親感不禁垂老蘭成徒作賦  
無家松雪託悲吟空餘勝國英雄淚喚醒吳兒木石心  
讀罷圓圓歌一曲杜鵑聲裡盡沾襟

芝麓集

八百孤寒仰大家揮金縱酒自豪奢生來手筆揅天藻  
開到眉樓稱意花薦士殷勤才必錄登朝慚愧玉無瑕  
錦袍披後迺陵哭萬種愁心付琵琶

題陳圓圓像

席上相逢喚奈何英雄遺恨泣山河碧雞微外蛾眉遠

金馬川邊兔窟多壯士應慚青史節癡心空乞紫雲歌  
君親恨血銷難盡捲甲歸來擁翠娥

蘇若蘭迴文織錦歌

碧紗如烟晚風大春心笑嚼紅絨唾當窗軋軋聲不停  
一幅迴文孰能和未煮倉庚喚奈何斷無消息竇連波  
莫邀月姊偷靈藥好向天孫借玉梭玉梭織處分經緯  
一點文心兩行淚離恨空裁芍藥花含情寫出鴛鴦字  
便託雙魚寄遠人盈盈脈脈惜餘春宛轉新詞記明月  
綢繆舊念說行雲君不見圓心院中花窈窕柔腸縷縷

金粟山房詩鈔

卷二

七

如絲嫋君寵君憐事有無春花春月何時了怎似蘇娘  
自寄書裁紅暈碧紛繚繞分明一曲想夫憐含笑花開  
託青鳥

偶作

樂天本達人子瞻亦奇士下界紛拘斂鸞鶴自遊戲酒  
氣化墨痕醉卧羣花裡  
英雄慕孫策長江劃天塹劍舞起風雲金樽波斂灑佳  
偶亦談兵紅燭夜開醺

黃鳥春間關玉蟾秋皎潔古佛靜無言清磬一聲徹化

作藐姑仙肌膚若冰雪

修竹間疏花青山噴雪瀑絕代有佳人翠袖坐空谷欲  
往從之游牽蘿結茅屋

戲題太真外傳

淋鈴一曲譜紅牙雲鬢珠顏化彩霞逸事未書長恨傳  
豐肌原是牡丹花目挑好贈同心盒眉語會施繫臂紗  
未必宮中歌赤鳳三郎才調本風華

書陶淵明集後

人與菊同傲辭官亦快哉棲遲花作伴懷抱酒能開風  
月催詩就羲皇入夢來閒情傳一賦豔思出清才

金粟山房詩鈔

卷二

七

田園雜興詩擬范石湖體

田家好景無恨束哲祇賦近游花外羣牛浮鼻溪邊一  
鷺洗頭

左掩右掩錦翼一尺二尺銀鱗採山偶聽樵唱釣水忽  
遇元真

瓜牛之廬既葺茅龍之衣乍更我愛興居自得人云心

跡雙清

襤襪子殊自累嚙嚙翁亦可憐人生何限清福耶壑或

有前緣

題陳少香大令鷗汀漁隱續集後

陳侯健筆今作家，泉源萬斛思無涯。新詩更比舊詩好，  
銀鱗鐵幹森梅花。温其如玉醕如酒，挾天筆佐談天口。  
雙鳧游戲變閒雲，吟壇幸結忘年友。女牀鳳去空傷神，  
蕭蕭雙鬢微添銀。偶然歌嘯向天地，憂時淚欲傾風塵。  
南北烽烟事征討，十萬貔貅聚城堡。羽書催餉太匆匆，  
虎節徵兵徒草草。雞蟲得失何時休，傀儡衣冠春復秋。  
集中題符雪樵倚樓詩後云：雞蟲爭得失，傀儡喜衣冠。不如飲酒招紅友，聊且看

金粟山房詩鈔

卷二

九

花慰白頭局內事，多徒畫虎江邊風。靜已馴鷗千戈擾，  
攘猶傳箭身世蒼茫入倚樓。欲尋漁父將愁遣，桃源深  
處聞雞犬。好共閒鷗理舊盟，春林不辨花深淺。由來開  
竇等羲皇，未必泥塗遜軒冕。更將健筆譜新詩，鈞竹清  
闌笛聲善。

題沈香卿女史琴韻閣遺集後

陳少香大令繼室

三山一朵仙雲碧，悟徹前身證明月。

月寒詩魄小集中句

素絲縷

縷織冰綃芳心留得支機石，清才天與筆花香。織女機  
邊雲錦裳，慧性曾探羣玉府。名花初放鬱金堂，太邱才

子絲蘿契金釵執贄求新製靜好長懷弋雁心綢繆喜  
託乘龍意竹窗分韻對吟秋

有竹窗分韻圖  
同人多有題詠

鳥是迦陵

花並頭自飲香名珍一卷每依古佛訂雙修換羽移宮  
成別調落花紅碎啼鴟弔熨體空增奉倩悲摧心祇益

安仁悼絕妙紅閨四季詞

集中有仿棗  
坡四季閨詞

妙蓮花下育佳

兒

郎君與大  
士同誕

驚心宦海風波脫攜手扁舟印綬辭散花

人去蓬萊島知君含淚緜遺稿婢媚大有愛才心博山  
猶作雙烟裊

白桃花和琴韻閣集中韻

金粟山房詩鈔

卷二

三

曾與蟠桃祝壽辰白鸞飛處記朝真瑤池未掃三山雪  
玉質能銷十丈塵楚國風前含淚女天台月下折花人  
洗紅一曲歌初罷別樣新粧豔好春

絳桃花用琴韻閣集中韻

新粧游女正紛紛酒暈花光雨不分崔護魂銷紅粉面  
劉晨笑對石榴裙菊叢環繞高人宅梅影參差處士墳  
未若瑤池醉春色丹砂幻出玉階雲

擬陶淵明飲酒詩

其一

陶公嘗好飲我亦時中之寂寥千載後恨不生同時須  
知醉翁意其味不在茲君看劉阮輩保身於焉持

其二

白日忽西下明月出東山中庭步明月獨立誰與言昔  
有李供奉一醉無醒年至今嘯詠聲獨倩松風傳

其三

苟性不沈溺自有高曠情嗟彼軒冕者赫然居盛名恃  
才失於偏縱欲戕其生揆其所以然要爲寵辱驚君看  
水源濁麴糵何由成

金粟山房詩鈔

卷二

三

其四

嗷嗷南征鴻排字當天飛衝烟破萬里失侶時鳴悲計  
只爲稻梁得飽卽相依江邊多蒹葭夜夜呼羣歸清霜  
厲勁翮見此草木衰羨君能得所素願已無違

其五

浪跡在塵市終覺人聲喧擾擾何能爲心遠地自偏偶  
飲一杯酒豁然心入山入山奚必深但見雲往還淡交  
默會意桃李本無言

其六

人爲非則非人爲是則是恐無真是非只有譽與毀薰  
猶辨氣味相去亦渺耳着來雲錦裳俗眼亦爲綺

其七

人生不涉世都自命豪英及夫當局身始覺難爲情到  
眼黑白亂信手機事傾咄哉孟東野不平以詩鳴豈知  
酸寒尉天地寬其生

其八

松柏生勁直亭亭虬龍姿堅貞歷霜雪青蓋盤高枝枝  
棲一小鳥自覺毛羽奇偶然時一鳴聲響將何爲安得

金粟山房詩鈔

卷二

三

浮邱翁一破樊籠羈

其九

秋雨太寂寞天忽朝陽開欣然過友朋一道契闊懷云  
有新釀酒復謂久睽違酌我盡歡腸憐我身羈棲均是  
青蓮花亭亭淨無泥醉歌出金石得天神和諧西施旣  
負薪一笑下蔡迷琅玕未可陳吾駕不可回

其十

王道本人情物我同一隅求治得其要自有夷庚塗嗟  
乎通籍人猶尙事饑驅室家常不飽焉能究其餘欲使

春臺登先營廣廈居

其十一

吾愛孟襄陽不仕亦有道白衣公卿間長歌至終老富  
貴與貧賤身後同枯槁適意最爲樂良時當自好各有  
性命理得之卽珍琦所以龐德公不肯依劉表

其十二

達人識天機榮枯隨四時要言固不煩奚必多文辭去  
者勿復道來者猶及茲千古幾英雄病在生狐疑樂天  
與知命先生不我欺華胥路非遙早已心知之

金粟山房詩鈔

卷二

三

其十三

偶爾着衣冠便與人同境衆人儻皆醉何用我獨醒此  
中有旨趣於何得要領羨煞蘇子由垂老卜居穎行止  
豹文藏事業虎文炳

其十四

偶聞剝啄喧時有嘉賓至自與公瑾交未言心先醉春  
秋陶嘉晨雜坐無位次安貧固非病獨善亦爲貴一笑  
山花開濁醪有真味

其十五

欲歸無故巢何年營一宅室廬奚必廣聊足托吾跡悠  
悠天壤間幾人年滿百所幸歲月寬髮鬢猶未白日讀  
古人書光陰深自惜

其十六

當年接人事山水嘗所經出門復入門茫茫無一成人  
事多反覆屢爲寒暑更饑寒累骨肉不得安家庭秋風  
一過耳但聞砧杵鳴念彼無衣者悵然傷我情

其十七

夜坐不能寐客舍生涼風涼風隨明月吹上松陰中廣  
金粟山房詩鈔 卷二 五  
寒有仙子寄書何由通吾道旣不行安貧賤雙弓

其十八

吾慕陶靖節於道大有得雖以酒爲名日飲亦不惑已  
識天地心奚復問通塞一身且聽之憂轉在家國千載  
少知音高風遠沈默

其十九

又悲蘇長公少年卽通仕進退且隨人行藏決諸已當  
時新法行未預或爲恥蠅營附驥尾頃刻卽千里當局  
悞信之竟使亂網紀而公獨超然可行亦可止游戲豈

終窮寂寞翻可恃

其二十

我生何所樂得天自有真彬彬慕文質鑒別思其純時  
亦弄柔翰吐屬慙清新得君頌管葛巧詐譏儀素獨愛  
秋日佳硯席無纖塵舍此竟何託終日徒辛勤藉此一  
杯酒相交氣味親吾宗有草聖露頂常脫巾醉後語尤  
顛要亦非庸人

閨情

江頭春水綠一去無回流妾心亦如水念君常悠悠

金粟山房詩鈔

卷二

三

華暗消歇瑤鏡素塵留紫燕西飛來銜書遠難投夢短  
空自恨粧好翻多羞不悲妾身苦惆悵自有由方寸鬱  
萬言恩寵將焉酬

古歌

垂楊結綠涵烟空美人顏色嬌春紅當牕卻立弄瑤瑟  
朱絃日暮愁絲桐春風吹不到君耳此曲有恨何時終  
朱顏綠鬢終消歇錦字空勞寄天末君遊紫塞少桃花  
妾處青樓但明月明月光生萬里清迢迢銀漢接瑤京  
此時卻憶秦家女攜手雙雙吹鳳笙

梨雲曲

梨雲黯黯垂楊綠方塘倒影欄干曲香霧滿庭春不醒  
一角簾垂入似玉簾中人倚東風嬌蘭釵髮鬢雙翠翹  
縞衣亭亭月欲墮芳魂倩影俱難描游絲軟蕩香無力  
悔教玉筍穿花入小鬟嬉戲不知愁花下迷藏香汗溼

秋江吟

秋江清秋月好芙蓉花開波浩渺儂家舊住秋江邊開  
門自采秋江蓮郎家亦在秋江側日暮帆檣乘水入鯉  
魚風起潮欲來流過君門卻倒迴儂家朱樓臨大路潮

金粟山房詩鈔

卷二

三

痕但認門前樹東風三月吹花飛浮花浪蕊空芳菲西  
風九月吹秋老懷袖何人寄芳草玉宇對瓊樓江空急  
亂流黃姑不相見翠被惜香裊美人如月知何處玉簫  
金管吹還任錦字難邀白雁來洞房幾見青楓莫卻憶  
江頭花草香還從江上盼春陽明年流出桃花色浩蕩  
恩波萬里長

有感

惜此芳菲節無人爲主持琅玕儻披腹魚水一軒眉舊  
夢鸞爲侶清心月在池青冥原在眼何事苦低遲

憶舊遊歌

憶昔看花京洛時香車寶馬相馳驅解囊結客共沈醉  
美人一笑鞭絲垂花田芍藥天下殊豐宜門近依皇  
都記得相逢遊俠子花下青絲提玉壺燕婚十八生而  
姝鳳簫龍管隨笙竽一聲曲度紫雲去香雪撲滿紅瓊  
瑜少年三五爭喧呼甯知日落青春徂可憐意氣猶如  
昨滿目風塵感漂泊安得重邀說劍徒蔚跂波瀾消寂  
寞笑投瓊管功竟成醉指銀屏酒同索強弓射虎竟何  
時小技雕蟲聊述作敢辭牛馬走風塵且食蛤蜊坐高  
閣

金粟山房詩鈔

卷二

七

不見

不見呼韓愈徒聞富慶封一鏡寒暮雨獨客對秋風名  
豈談詩悞心猶看劍雄生涯吾自得一任關隄蟲

同人分詠古名將予賦岳鄂王

將軍虎帳尙談兵朝右和戎欲定盟已自甘心棄懷愍  
忍教先事戮韓彭傷心獄竟寃三字屈指功誰復兩京  
千載錢塘埋骨處秋風猶作怒濤聲

題乳姑圖

姑無齒婦有乳汁淋漓勝粒粒姑心寬婦心苦垂老  
之年喜還懼果然姑壽享期頤純孝格天天所許婦姓  
唐兮姑長孫至今海內推高門乃知有婦勝有子承歡  
慰此晨與昏醍醐中有至味存婦之福兮姑之恩

續九秋吟

秋鐘

一杵風前送天寒有夢知敲來僧寺遠聽到客船遲山  
館霜清夜烟村月墮時秋陰雲外溼誰續少陵詩

秋柝

金粟山房詩鈔

卷二

三

一片玉關情天寒擊柝聲邊風傳五夜塞月轉三更山  
勢夔門壯松濤雪嶺清悲笳吹更急秋滿亞夫營

秋簾

一鈎涼意動秋信到簾櫳暮雨千峯捲烟波幾縷通微  
風穿瑣碎斜月望玲瓏寶押垂垂護香留小閣中

秋林

一碧看秋陰遙林接近林青山樵徑晚黃葉寺樓深疏  
樹延晴月投巢羨暮禽歸田曾有賦應見古人心

秋廳

秋信虛窗早微颺透畫櫺桐軒三徑碧竹屋一燈青明  
月宵懸鏡遙山晚列屏時逢晴日好乘興寫黃庭

秋潮

雷電走金鼇靈胥捲怒濤直翻銀窟壯陡立雪山高聲  
駭天風鼓形忘地軸牢韓蘇留健筆文興一般豪

秋漁

青笠綠蓑衣雙魚入釣肥好山閒對岸秋水漲遙磯泛  
宅浮家去斜風細雨歸江村留畫本一網曬晴暉

秋橘

金粟山房詩鈔

卷二

元

寒鎖一林烟香清十月天黃垂雲夢樹紅上洞庭船頰  
有靈均著懷因陸子傳商山留異跡老叟已成仙

秋聲

萬籟靜長空蕭齋月正中籬根聞蟋蟀窗外有梧桐深  
巷鳴宵柝涼天度塞鴻歐陽讀書處昨夜已秋風

題符雪樵六一泉紀豔詩後

幾陣荷風透碧紗涼雲偏向玉人遮新詩寫徧新團扇  
君是看花我憶花

曾否深談接屐裙薄羅衫子逗微薰何年畫戟清香畔

笑向樽前乞紫雲

黃河遠上新詩句傳唱旗亭獲盛名料得憐才有深意  
雙眸秋水照人清

龔文波招飲玉尺山房卽席遇雨同人拈韻賦詩  
韻籤分得十三覃成五排二十四韻

共愛名園好重遊景更貪縹緗森硯北賓王集花南清  
簾輕紅亞疏簾遠翠含嫩黃浮藥玉寒碧覆松杉磅礪  
衣初解尖叉韻互探觥籌吟興洽爐鼎篆紋醜筆借珊  
瑚架篁抽翡翠簪幸逢青眼到忽見墨雲參檻外奇峰

金粟山房詩鈔

卷二

辛

起天邊澍雨酣金蛇飛電影山鳥撲烟嵐急點疑飛白

涼風起蔚藍開籠初醒鶴園中忽有食葉乍聞鶯響

山光隱迷離海氣涵遙憐困兵燹時金陵等處干戈未息應爲洗

戈鏃鴻爪留痕跡龍雲愜笑談推敲思乙乙觴詠味醺

醺國正需才急人何食肉甘勿教鸞在棘且與佛同

龕瑤水蓮千朶天漿荔滿籃狂吟師阮籍雋語得劉惔

每畏三庚暑還欣二酉探王人藏書頗富揮毫騰鸞鷲附驥傍

驂驪閱世嗟無奈知時筮有滄奚須詹尹卜一爲召何

哉

曾春臺茂才招遊開化寺避暑卽席陳少香夏子  
儀兩先生詩先就依韻和之

招提寂靜自清風晨露沾花日在東鸞嶺新篁迎遠翠

嶼山甜雪幻輕紅

是日  
皎務

蕭疏畫意仙能說

少香紫巖二  
公俱工繪事

遊戲詩禪佛本通觸熱忽思投筆者欲書好句寄郵筒

時米壘伯大令  
調赴新化軍營

曲折清溪渡小橋身如白鷺喜青霄荷逢生日應同醉

相傳是日爲  
荷花生日

竹引清風不待招世事莫從花下說壯心

還向酒邊銷何年去領滄洲翹雪時銀飛看海潮

金粟山房詩鈔

卷二

三

松風堂懷李忠定公

弭亂天心厚元樞降嶽神江山蘊靈秀帷幄見經綸北  
敵黎陽逼東宮血疏陳艱難維社稷宵小沮衡鈞玉帛  
邀和議金繪刮細民割疆騰衆口伏闕泣孤臣赤舌譏  
何苦青城痛未伸渡河空有願側席竟無人諫自長源  
起援誰越石勤六師朱雀潰二帝翠華巡出畫應三宿  
登朝只七旬空留帷幄策遺恨虎狼秦蒼赤悲淪棄丹  
心炳劫塵清風吹謾謾正氣仰振振象簡憂時淚松窗  
讀易晨

公著有易內傳十卷  
易外篇一十二卷

名同朱鳥繫蹟已白鷗馴

公晚年隱居梁溪  
著有梁溪漫志

風貌瞻如在  
高懷若可親  
逮今鄉後

輩一樣致

君身林文忠督兩粵時如久於其位則煙  
禁行而漏卮塞矣何至民窮財盡如

今日耶奈之何哉  
中以文忠配祀忠定祠堂

輓座王潘文恭公

三台星影隕長庚

賜謚頻邀

錫誅榮黃閣共飲鼇頂策白頭重聽鹿鳴笙

公於壬子  
歲重宴鹿

鳴癸丑重  
宴瓊林

知公已入金仙座愧我會叨玉尺評淚落彭

宣翹首望待看相業繼韋平

金粟山房詩鈔

卷二

五

